

যুগান্তর

মঙ্গলবার, ২৭ শ্রাবণ ১৪১৬ • Tuesday, 11 August 2009

বাংলাদেশের মিডিয়া স্পন্দনশীল

মার্কিন রাষ্ট্রদূত
কূটনৈতিক রিপোর্টার

ঢাকায় নিযুক্ত মার্কিন রাষ্ট্রদূত জেমস এফ মরিয়াটি বলেছেন, বাংলাদেশের মিডিয়া সেটা প্রিন্ট, ইলেক্ট্রনিক কিংবা অনলাইন যাই হোক না কেন তা গতিশীল ও স্পন্দনশীল। এটা দেশটিতে অব্যাহত গণতান্ত্রিক অগ্রগতির মূল গাঁথুনিকারকে পরিণত হচ্ছে। এ ক্ষেত্রে আরেকটি শক্তিশালী গাঁথুনি হল তথ্য অধিকার আইন। তিনি আশা করেন, এই দেশে এই আইন ব্যবহার করে জনগণ গণতন্ত্রকে আরও সমৃদ্ধ করবে। মার্কিন রাষ্ট্রদূত মরিয়াটি সোমবার যুক্তরাষ্ট্র সরকারের অর্থায়নে 'সাংবাদিকতা প্রশিক্ষণ ও গবেষণা উদ্যোগ' (যাত্রী)তে 'সাংবাদিকতায় নীতি ও আদর্শ' বিষয়ক এক ঘরোয়া প্রশিক্ষণ কর্মসূচির উদ্বোধনকালে এই অভিমত ব্যক্ত করেন। মার্কিন আন্তর্জাতিক উন্নয়ন সংস্থার (ইউএসএআইডি) মাধ্যমে যুক্তরাষ্ট্র সরকার এক কোটি ৮০ লাখ ডলার ব্যয়ে 'শাসনব্যবস্থা, জবাবদিহিতা, স্বচ্ছতা ও সততা' (প্রগতি) প্রকল্পের অংশ হিসেবে যাত্রীকে সহায়তা দিয়ে যাচ্ছে। 'যাত্রী' ১০ থেকে ১২ আগস্ট 'সাংবাদিকতায় নীতি ও আদর্শ' বিষয়ে ঘরোয়া প্রশিক্ষণ কর্মসূচির আয়োজন করেছে।